



შინაარსი: კვირიდან კვირამდე მახაყვალისა.—ვაჟა-ფშაველას პოეზია, (შემდეგი) ი. ნაჯაშიძისა.—სხვა-და-სხვა ამბავი.—
 „ბეჭდის“ კორესპონდენციები.—იანუილი, (აღავერდის პასუხათ) ლექსი რუს-იმერელისა.—უცხოეთიდან: სოფელი და სასოფლო
 სკოლა გერმანიაში, (შემდეგი) საზღვარგარეთელისა.—განგება ღვთისა: აღსრულდეს, (ოსური ლექგენდა) ა. ერისთავისა.—უც-
 ხოეთის ამბები.—სახუმარო გასართობი ი—კო მეთვალყურესი.—კვალის ფოსტა და განცხადება.

№ XI „ჯეჯილისა“ გამოვიდა და დათურიგდა ხელის მომწერლებს.

ვაჟა-ფშაველას პოეზია.*)

(კრიტიკული ცდა.)

ცეცხლი ჰკრებოდა ღვეფშედა
 ჩონგურს უკრავდა დროული;
 კაცი რამ უფდა გვერდზედა,
 დამლედა გმირობისასა,
 მამა-პაპათა ცდისასა;
 როგორ არბევდენ ფშავ-ხევსურთ,
 სისხლს არ არჩენდენ მისასა,
 ყველგან მაღლობას სწირავდენ
 მარჯვენას კაი უმისასა.

ვაჟა.



ვენ მიეუახლოვდით ახლა ეაქას პოეზიის ძი-
 რითად შინაარსს, მისი უღრმესი სიმების კი-
 ლოს. აქამდის ჩვენი ნათქვამი კი ეაქას შე-
 მოქმედების ფორმასა და მიდამოს შევხებოდა. ეაჟ
 ცნობილია ჩვენში როგორც პოეტი—ეპიკოსი. ამ სი-

ტყვას განმარტება სჭირია. ეპოსი, როგორც ყველაფე-
 რი ამ წუთი-სოფელში, მრავალ აზრიანი და მრავალ-
 გვარია. ეპოსი ¹⁾—მოთხრობითი პოეზიაა, პოეზიის
 ერთი უძველესი დარგია, და მისი დასაბამი, ქვეყნის
 დასაბამივით, ბინდით არის მოცული. ეპოსი მო-
 გეითხრობს ერთა მოქმედებას, ხალხის უწარჩინებუ-
 ლესთა ნაღვაწ-ნაგმირალს. მეცნიერების შუქის წყა-
 ლობით, ჩვენ ეპოსის გაჩენამდის გამოცხადებულს
 მის წინამორბედსა ეხედეთ: ლეთიურ-ზეციურ ძალ-
 თა შესხმას, ჰიმნების პოეზიას. აღამიანმა პირველათ
 რომ თავი გაიცნო, თავის მოძმეს ხელი მისცა და
 კაცობრიობამ, ხელი-ხელ მოკიდებულმა, გულის სი-
 ღრმიდან ღმერთთა მიმართ შესხმა-დიდება აღაქმია,
 ეს იყო ჰიმნების შემოქმედება, ხორათ საგალობელი,
 კაცობრიობის აღმომავალი პოეზიის პირველი სხივი.
 შემდეგ გაჩნდა ეპოსი, პოეზია გმირული, ერის
 გამოჩენილ შვილთა, ამ ქვეყნათ ღეთის მოციქულ-

1) Brockhaus' Konversations — Lexikon, Epos.

*) ის. „გაბალი“, № 47.

თა ღვაწლის შესხმა-დიდება. სხვა-და-სხვა ხალხთა ეპოსი სხვა-და-სხვაობს ფორმითა და შინაარსით; ხოლო ევრსად ევრ ნახეთ იმდენათ დაცემულ ხალხს, რომ, თვით ეპოსი თუ არა, მისი მზგავსი რამ, მისი ძირეული კილო არ ჰქონდეს რამენაირათ გამოთქმულ-გამოცხადებული. ეპოსი—ერის შემოქმედებითი სიტყვაა, მისი სულის სარკვა ყველგან: შიგ ერის სულიერი შინაარსი, მისი ზნე-ხასიათი, მისი გრძნობა-მისწრაფებანი, მისი რჯული და „მრწამსი“ ცოცხლათ გამოსახული. და, როგორც ორ ისეთ ადამიანს ევრ ნახეთ ევრსად, რომ მათი გულები ერთ კილოზე ძგერდენ, ისე ორ ხალხს, ერის სიტყვიერებას ევრ ნახეთ ყველაფერში ერთმანეთის მზგავსა.

„ეპოსნი განსხვავდებიან ერთმანეთისაგან როგორც ხალხთა ხასიათის მიხედვით, აგრეთვე თავისი გვარით: ეპოსი ზღაპრული, ისტორიული, საღალღობო, რელიგიური—სარწმუნოებრივი და სხვ. ქამთა მსგელობაც თავის შესაფერ ეპოსს შეჰქმნის. პირველათ ჩნდება ეპოსი ხალხური და ამ ეროვნულ ნიადაგზე ყვავის შემდეგ ეპოსი ხელოვნური. უმაღლეს ეპოსში ეს ორი გვარი შეერთებულ—შესისხლხორცებულია. ამის დიდებული მაგალითებია ჰომეროსის „ილიადა და ოდისსეი.“ ხალხის შემოქმედების ხასიათი უწმინდესათ არის დაცული ამ საუცხოო პოემებში და თან ხელოვნების შუქითა განათებული.

თავისუფალ არსებობისათვის მებრძოლი ხალხი—გრძნობა-გაღვიძებული, ცოცხალი ხალხია. მძლავრი სულის-კვეთება უღვიძებს ადამიანს გულში ღვთიურ ნაპერწკალს. იქ, სადაც სიცოცხლე მოღუნებულია, ადამიანის გული მკვდრული ძილით არის პყრობილი. მხოლოთ მძლავრი გულის წადილი, ალტაცებული სულის მისწრაფება შექმნის სრულ ადამიანს.

პოეზია—წმინდა წვეთია, გულის სახსე ფიალით ცხოვრებაში გაღმონადენი. პოეზია, ვით სიტყვა, გულის ღალადისია, აღშფოთებული გული ევრ დაცხრება, სანამ თვის მღვლეწარებას ბავთ არ გამოათქმევენებს. თვითოეული ადამიანის გული მთელი ერის გულის სარკვა. ერი, როგორც ადამიანი, არ სღუპს, თუ გულში ბევრი აქვს სათქმელი. ეპოსი—სიტყვაა, მღვლეწარე გმირი ხალხისაგან აღმონათქვამი. გმირ-ბელადთა ღვაწლით არის ხალხური ეპოსი საესე, რადგან ისინი არიან ერის მაგალითი, ხალხის იდეალი. ხალხი ისე შეჰყურებს მისი ეროვნული თავისუფლების დამცველს, როგორც განათლებული კაცი მთელი თავისი ცხოვრების მიზანს. ცხოვრების მიზანი, ნათლათ შეგნებული, უშრეტ სინათლეს ჰვენს ადამიანის სიცოცხლეს სიკვდილამდე. გმირის ღვაწლიც ნათელი კანდელია ერის ცხოვრებაში. გმი-

რი იცავს ხალხს ტყვეობისა და გადაგვარების საზარელ წყევლისაგან, დამოუკიდებელ ცხოვრებას უმკვიდრებს ამ წუთი-სოფელში და ამიტომ გმირი, ხალხის თვალში, ქვეყანაზე ღვთის მოადგილეა, განგების განხორციელებია, და ხალხური პოეზია, ეროვნული ეპოსი, სულ ამ გმირ-მაცხოვართ დასტრიალებს და თავს ევლება თავ-მომწონეთა და ღრმა სიყვარულით. გმირთა შესხმა-დიდება საუკუნოობით ცოცხლობს ხალხში. ეპოსი—წმინდა ხალხური მგონების შემოქმედებაა, მთელი ხალხის სულიდან აღმოცენებული, მთელი ხალხის საკუთრება. „ცალკე ჰანგებს, რომლებიდან შედგება ხოლმე თანდათან ხალხური ეპოსი, ხალხური მღერალ-მგონები შეჰქმნიან და თავისი მშობელი ერის ცხოვრებაში ისტუმრებენ. აქ, თავის ხალხში, ეროვნული ჰანგები ათასნაირ ცვლილებას გამოივლიან ხოლმე. თვითოეული ხალხის შეილის ბავთ თავის დაღს ასევე მამა-პაპათაგან ნაანდერძე ჰანგსა და ისე გადასცემს ხოლმე გარშემო ცხოვრებასა და შემდეგ მოდგმათა. ამნაირათ ხალხური ჰანგი თანდათან წმინდა ეროვნული შინაარსითა და სიცოცხლით იესება და წარმოადგენს მთელი ერის სულიერ საგანძურს. შიგ გამოსახულია ხალხის გრძნობა და ფიქრი, ნატერა და ოცნება, იმედი და გულის რწმენა.“

„გმირ-რანდული ჰანგები ხალხის გაღმოცემაში შეერთ-შეჯგუფდებიან ხოლმე უწარჩინებულეს გმირთა შესხმა-დიდების ირგვლივ და ამნაირათ ჩნდება ერცელი ხალხური მოთხრობითი პოეზია—ეპოსი“.

ხელოვნური ეპოსი კი ერთი განცალკეებული ადამიანის ნიჭის ქმნილებაა. ხალხური ეპოსი ამ შემთხვევაში მხოლოთ მასალაა, რომლით გენიოსი თავის ბრწყინვალე შენობას ააგებს და თავისი საკუთარი კანდელით გაანათებს ხოლმე.

რა ხასიათის ეპოსია ეპოსი ეაქა-ფშაველა—რაზიკაშვილისა? ამაზე ჯერ-ჯერობით, სანამ ერთ-ერთ მის ქმნილებას არ გავარჩევთ, გადაჭრილ პასუხს არ ვიტყვი. ეაქას ნიჭი განსაკუთრებით მის პოემებში¹⁾ გამოიხატა და მისი შემოქმედების საუკეთესო ნიმუში, ჩემის ფიქრით,—პოემა „სტუმარ-მასპინძელია“, სხვებზე უფრო დასრულებულ-შემუშავებული სურათია.

ეაქამ 1881 წელს მორთო თავისი პოეტური

¹⁾ „გოგოთურ და აფშისა“, გაზ. „ივერია“, № 181 1887 წ.; „აღუდა ქეთულაური“, „ივერია“ № 262 და შემდეგ, 1888 წ.; „ეთერი“, №№ 192—197, „ივ.“ 1890 წ.; „ბსტრიონი“, „ივ.“ №№ 29 და შემდ., 1892 წ.; „სტუმარ-მასპინძელი“, „ივ.“ № 146 და შემდ. 1893 წ.

ჩანგი და 1893 წელს ეს უკანასკნელი პოემა, „სტუმარ-მასპინძელი“, შესძინა ჩვენ მწერლობას 2).

ღამის წვეგადღში ჩაფლული
 გამტენარბუჯის სასიათ,
 მოჩანს ქისტეთის მიდამო
 სჯდის კლდეების ტანტითა.
 ბნელს სეგზე მოჭყეფს მდინარე,
 გულ-ამდგრული ვაჭრითა.
 გადმოსრლიყენენ მთასიტა,
 სელ-პინს იბანდენ წყალზედა;
 ბეჭნი მომკვდაჩა მათ მკვრდზე;
 სისხლს კერ ისდენენ ტანზედა.

ასე იწყებს ეჭა თავის „სტუმარ მასპინძელს“, და, როგორც საოპერო მუსიკის ინტროდუქცია, ისე ეს შესავალიც იღუმალათ გვაგრძობინებს მთელი შემდეგი პოემის ძირითად, „ნაღვლით ნაქარგსა“ კილოსა. თითქო მწუხარების ანგელოზი აღზღდა ჩვენ თვალწინ, ფრთები გაშალა და პოემის შესავალი დაჩრდილა.

კლდეებში ვიწრო ბილაკზე გამოჩნდება ვილაც უტნობი მგზავრი; მოდის გაჭირვებით,—

ფუქს ძლივს აცილებს ფეხსედა.

გაღმა ჩანს ქისტის სოფელი,
 აწყვიის ბუდესავითა:
 საამო არის საცქერლათ,
 დიარის უბესავითა.
 სოფლის თავს სძინავს შავ ნისლსა,
 დაფიქრებულის სასიათ.
 ყურს უგდებს აჩე-მარსა
 გულ-ლადობს სანსავითა.

ეს არის პირველი სცენის დეკორაცია, პოეტის კალმით დახატული მთიანი ბუნება.

ნელათ მომავალ მგზავრს რალაც ხმაურობა ესმის. ვილამაც ზვიდან კლდის ლოდი გადმოაგორა. ალბათ მტერია, და მას მარჯვით დახედრა უნდა. მზათ არის თოჯი... ერთა წამა... და გაღმა მეორე მგზავრი გამოჩნდება, იმასაც—

უბრწყინავს სჯლტე თოფისა,
 ვით წვიმის ცვაჩი დილიათ.

„გადამტრანენ“ ერთმანერთს. ორივე-მონადი-

2) „სადიტრატურა მიმოსილვა“, გ. ყიფშიძისა ქურ. „მომბე“, № II, 1896 წ.

რენი არიან. სამტერო—საცილობელი არაფერი აქეთ. გააბეს ძმური საუბარი. ერთმანეთს თვის თავ-გადასავალს ებნებიან. ბევრი მწარე დღე, ბევრი გაჭირ-ეება გამოუვლია ამ ორ მთის შვილს კლდის ნადირთ დევნაში; ბევრი შავი ნისლები გაურღვევიათ ლომ-მკერდით და ხეებში ამ ნისლთა მრისხანე შვილებს, ნიაეთა „მშიერ-მგლური ღმუილი“ მოუსმენიათ. რამდენი მათგან დამფრთხალ-გადაფრენილი ჯიხვის რქა „ემოდა კლდეებს!“ აი ერთი მოკლულიცა,—და მონადირემ უჩვენა თავის ამხანაგს ჯიხვი რქიანი,—

მკვდარი, რქებ-გადაცდებულები,
 დაღუშებულები, ჭკვიანნი.

სიკვდილმა უქნა ეს კლდის ჯიხვსა „გუნება-მძიმეს“; თავისი იღუმალი დალი დასევა და „დააჭკვიანა“.

ჯოყოლა ეპატიეება ნუნუას თავის საფელში, თავის სახლში ღამის გასათევით. ნუნუამ დამალა თავის ნამდვილი სახელი „ზვიადური“, რადგან მას კარგათ იცნობენ ქისტები, როგორც თავის მოსისხლე მტერსა; ბევრ ქისტს ავალა მან სისხლი, ბევრს მოაჭრა მძლავრი მარჯვენა.

ჯოყოლა აღხსტაიძე ამაღამ ნუნუა-ზვიადურის მასპინძელია. აი შავთ გამოჩნდენ სოფლის კოშკებში, მოისმა ძაღლების ყეუა და მონადირე — „სტუმარ-მასპინძელი“ ბინაზე მივიდენ. ჯოყოლას სახლით ისმის ჩონგურის ჟღერა. „დროული“ კაცო ზის ცეცხლის პირს, უკრავს ჩონგურსა და გმირულ ჰანგებს დამდერს.

ახალ-მოსულთა და დაღალულ სტუმრებს დაუხედება და გაუმასპინძლდება ჯოყოლას ლამაზი ცოლი. ჩონგურის დამკერელი, ქალბარა-შერთული მღერალი, წამოდგება ფეხზე, „როგორც კლდის ვეფხვი ძლიერი“, მაგრამ, ზვიადურს რომ დაინახავს, „მკლის ფერი დაედება“ და „ხანჯლისკენ ხელი მიუდის“. მთიული, სხვის სახლში სტუმარი, „ვერ გაშლის ხათბალასა“. მოხუცი გულში ხელს ჩაიკრავს, ჩუქათ გადის გარეთ, კარი-კარს დადის სოფელში, „ეენასა ლესავს შხამითა“ და ყველას ატყობინებს საზარელ ამბავს: ჩვენი სოფლის შვილმა თავის უბეში ჩვენ ამომგდებ გესლიან გველს მისცა ბინაო. აღეღედა მთელი სოფელი. ქისტეთში წესია, თავის მკვდარ-მოკლულს მისი მკვლელის თავი უნდა შესწირონ, მკვდრის საფლავზე უნდა დაჰკლან.

მთელი სოფელი შევიარლებულია და პირველათ ჯოყოლას სახლში მხეერავ — „მოყურადეს“ გზაე-

ნის, „ლიქარდიანის ერთა“, მან უნდა ნახოს, სად დაუდგმენ ზვიადურს ლოგინს და სოფელს უნდა შეატყობინოს.

ი. ნაკაშიძე.

(შემდეგი იქნება)

სხვა-და-სხვა ამბავი.



ავკასიის სამოსწავლო ოლქის მზრუნველს უშუამდგომლოა, რომ ამიერ-კავკასიის უმაღლეს მთავრობამ შემწეობა აღმოუჩინოს, წლიურათ 1000 მან., მომავალ ხონის სახელოსნო სკოლის შესანახავათ. როგორც „ნოვ. ობოზ.“-ის გაუგია, ეს თხოვნა შეუწყნარებიათ. ამ სკოლის შენობის გასაკეთებლათ 4 საზოგადოებას, სახელდობრ: ხონის, ნახაუღევის, განირის და კუხისას უკანონათ 11,300 მანეთის გადახდა. ხოლო წლიურათ კი უნდა იხალონ 1735 მან.

* *

„თბილისის ფურცელს“ პეტერბურგიდან ატყობინებენ: „Пр. вит. Вѣст.“-ი საყოველთაოთ აცხადებს, რომ, რადგან თოვლის და ზევეების გამო მთებში, კავკასის სამხედრო გზაზე მიმოსვლა შეჩერებულია, თბილისიდან 18 და კავკაიდან 19 ნოემბერს გამოსული ფოსტა გზაშია გაჩერებული და თოვლი და კარიბანტელი არ შეწყვეტულა, ამიტომ განკარგულება მოუხდენიათ, რომ ფოსტა ბათუმზე და ნოვოროსისკზე იგზავნებოდესო.

* *

თავ. ზაქ. გ. ერისთვის წერილია დაბეჭდილი „ნოვ. ობოზრენიაში“; იგი ურჩევს ჩვენ თავდაზნაურობას: „გაპართონ „თვით დამხმარებელი თანხა“, როგორც, მაგალითათ, გაუმართავეთ ჩერნიგოვის გუბერნიის თავდაზნაურობას, რომელსაც დღიურზე იაკვიანთ ნება-ყოფლობით დაუნიშნავეთ გადასახადი. ჩვენშიაც ამსაქმის მოწყობა უნდა იკისრონ თვით თავდაზნაურობის წინამძღოლებმა. ყველა მენამულემ უნდა ნება-ყოფლობით გამოვიდოთ ჩვენი წელილი, თუნდ თითო მანეთი წელიწადში და რადგან თბილისის გუბერნიის ითვლება 100 ათასი სული, მაშასადამე წელიწადში შემოვა 100 ათასი მანეთი და გაქირების დროს ყველა მემამულეებს შეეძლება უსარგებლოთ

შემწეობის მიღება დროებით, ზოგიერთს მიეცემა სრულებითაც. რადგან, დასძენს თავ. ზ. ერისთავი, ჩვენი მამულები ჯერ ყველა გამიჯნული არ არი, და ბანკში დავირავება მემამულეს ხშირათ ცარიელზე სვამს, ეს მოუტანს დიდ სარგებლობას ჩვენ მემამულეებს“. აქ უნებლიეთ მოგვაგონდა გორის მაზრის სათავად-აზნაურო ყრილობა ამ რვა-ცხრა წლის წინეთ, როდესაც უნდოდათ შეილების ასაზრდელათ შეედგინათ თანხა და როგორ დაიფრინეს ამ საქმის მეთაურები.

* *

მოგვაგონებთ ჩვენ მკითხველებს, რომ ქალაქის მამულზე დარჩენილი გადასახადის (недоимки) შეტანა დააჩქარონ, რადგანაც საქალაქო ამომრჩეველთა სის შედგენას მომავალი იანერის პირველ რიცხვებიდან შეუდგებიან; შესაძლებელია, რომ ვისაც დარჩენილი გადასახადი შეუტანელი ექნება, ეს მიზეზით ხელთ გდონ და ჩვენი მემამულენი ამ სიაში არ მოაქციონ. ამას წინეთ ჩვენ დავსტამბეთ „კვალში“ შინაგან საქმეთა მინისტრის განკარგულება იმის შესახებ, რომ საქალაქო არჩევნებში იმ მემამულეთაც შეუძლიათ მიიღონ მონაწილეობა, რომლებზედაც გადასახადი დარჩენილია. მაგრამ ვინ იცის, ჩვენი ქალაქის დღევანდელი გამგეობა როგორ იხელმძღვანელებს ამ განკარგულებით. ყოველ შემთხვევაში საჭიროა, რომ თვით ქალაქის გამგეობა ოფიციალურათ აცნობებდეს ქალაქის მემამულეთ, თუ როგორ ესმის მას მინისტრის განკარგულება და მაშინ ყველასათვის აშკარა იქნება, თუ რა საშუალება იმაროს ამომრჩეველმა საზოგადოებამ. კარგი იქნება აგრეთვე ისიც, რომ ვინმე მემამულემ კერძოთ გაიგოს ამ საქმის ვითარება ქალაქის გამგეობაში, და თუ ამ უკანასკნელს მინისტრის განკარგულება სხვა ნაირათ ესმის, იმ შემთხვევაში იმავე კერძო კაცმა სხვებსაც აცნობოს ეს ვაჭეთის საშუალებით.

* *

ერთი თვეა რაც დაიწყო სომხური დრამატული საზოგადოების წარმოდგენები. ამ ცოტა ხანში წარმოადგინეს 4 მოქმედებიანი კომედია, ნათარგმნი კარგი ენით „ტოროლა“, მაგრამ ხალხი ცოტა დაესწრო. საზოგადოთ თეატრი ცარიელია ხოლმე. 10 ქრისტეშობისთვის დანიშნულია ბ-ნი ოპანინის ბენეფისი. უნდა წარმოადგინონ ბ-ნი გუნას დრამა „დაძმა“ სომხურათ ნათარგმნი.

* *

გაზ. „ნოვ. ობოზ.“-ის „სატყობინებენ“ ბათუმიდან, რომ ნავთის წარმოების საქმე სუფსის მახლობლათ უფრო და უფრო წინ მიდისო. სადაც კი სცადეს ნავთის ამოჩენა, არსად არ მოტყუებულან. ამ ქმართ ნავთის წარმოების საქმე უკვე დაწყებულია სხვა-და სხვა კაპიტალისტების მიერ. სხვათა შორის, ამას წინეთ ბ. მანთაშაესაც აუღია იჯარით მიწა სადგურ ნატანების მახლობლათ ამავე მიზნით.

* *

ჩვენ მივიღეთ ქუთაისიდან პატარა წიგნაკი სათაურით: „საზოგადოება ცეცხლისაგან შენობების უზრუნველ-მყოფელი ურთიერთ შორის და მისი უპირატესობა აქციონერულზე (ქუთათურებსას საყურადღებოთ) სტ. ხოჯივანაშვილისა. დაბეჭდინა გამგეობამ ქუთაისის შენობების ცეცხლიაგან საურთიერთოთ უზრუნველ-მყოფელის საზოგადოებისამ“. ეს წიგნაკი ძლიერ საინტერესოა და მაუხედავთ უხერხულათ შედგენილი სათაურისა, ყველა დიდი სიამოვნებით წაიკითხა; მასში განმარტებულია ცეცხლისაგან დამზღვევი საურთიერთო საზოგადოების უპირატესობა აქციონერულ საზოგადოებაზე და აგრეთვე მოყვანილია ცნობები ცეცხლისაგან დამზღვევი საურთიერთო საზოგადოებისა ქუთაისში.

* *

ბათუმის ქარხნებში მომხდარ ბოროტ-მოქმედებათა გამო დამოქნის დეპარტამენტს დაუდგენია შემდეგი: 600,000 ფუთ განზრახ-დაფრულ თუნუქში გადახდევინოს ჯარიმათ თათო ფუთში 1 მ. მწკოქროთი. აგრეთვე გადახდებთ ჯარიმა შინაურ ბაზრებზე გაყიდულ თუნუქისათვის. ეინცილობა, თუ მექარხნებმა უარი განაცხადეს ამაზე, იმ შემთხვევაში იმათი ქონება ასწერონ და საქმე სასამართლოში გადასცენ.

* *

ამას წინეთ თითქმის ყველა ადგილობრივმა გაზეთებმა აუწყეს საზოგადოებას, რომ კახეთში იქაურ ექსპერტს, ბ. სპეშნეცს, ეაზებზე შეუძნევიათ ერთგვარი ავთმყოფობა, რომელიც თავის თვისებოთ ძლიერ წააგავს ეენახების მეტათ საშიშარ ავთმყოფობას ბლეკ-როტს (შავი სიღამპლე, черная гниль). დასარწმუნებლათ იმის, რომ ეს ავთმყოფობა მართლა გაჩენია ჩვენებურ ეენახს, საფილოქსერო კომი-

ტეტის მიერ გაგზავნილ იქნა კახეთში უუროსი ავრონომი, ე. სტაროსელსკი, რომელიც ჩვენში ყველაზე უფრო მცოდნე პირათ ითვლება ამ საგნის შესახებ. ბ. სტაროსელსკიმ ხსენებული ავთმყოფობის გაშინჯვას შემდეგ სრულაად უარაყო ბ. სპეშნეცის აზრი და მასთან ბლეკ-როტის არსებობა კახეთში. საექვო სენით დაზიანებული ყურძენი გაუზავენეს ცნობილ სპეციალისტებს საურაანეთში და იტალააში.

ერთი ამათვანი, პროფესორი ვილჯ, კახეთიდან გაგზავნილი ყურძნის გაშინჯვას აი რა დასკენამდის მიუყვანია: „ჩვენ ამ კვირაში (ნოემბრის დასაწყისში) მივიღეთ კახეთის ეენახებიდან ყურძნის მტეენები, რომლებზედაც დამწიფებას დროს შეუძნევიათ საექვო სენი, რომელმაც დიდათ დააშინა რუსეთის მევენახეები, რადგანაც ეს ავთმყოფობა უექველათ ბლეკ-როტია. ბლეკ-როტი გაშინჯულ ყურძენზე ექვს მხოლოთ იმიტომ ბადაეს, რომ ყურძნის მარცვლები ისე დამქანარი, გამხმარი და გაშავებული არ არიან, როგორც ეს იცის ჩვეულებრივათ ბლეკ-როტმა, არამედ მოწითანო ფერი აქეთ და ამასთანავე არც ისე გამხმარი არიან. მაგრამ მიკროსკოპიულ გამოკვლევამ დაგვანახვა, რომ ეს ავთმყოფობა სწორეთ ბლეკ-როტია, რომელიც რუსეთში დღეს პირველათ აღმოაჩინეს“. („Revue de la Viticulture“ 14 ნოემბრიდან).

პროფესორ ვილას აზრი მეტათ საინტერესოა. 23 ნოემბერს საგანგებო სხდომაზე ბ. სპეშნეცს უნდა წაეკითხა ვრცელი მოხსენება ამ საგნის შესახებ. თავის დროზე ჩვენ წარუდღგენთ მკითხველებს როგორც ამ ავთმყოფობის დაწერილებით აწერას, ისე იმ ზომებს, რომლებსაც საზოგადოთ ხმარობენ მის წინააღმდეგ.

„კვალის“ კორესპონდენციები.



ათუმი. „არ მომკედარა, მხოლოთ ძინავს“ ბათუმის ასე წოდებულ ინტელიგენციას და „როდის გაიღვიძებს“, იმისი რა მოგახსენოთ. ძინავთ ბათუმლებს განსაკუთრებით საზოგადო საქმისათვის. პირადა ინტერესისათვის და თავიანთ ჯობისათვის ჰაი, ჰაი, რა ფხიზელნი არიან ბათუმლები! ამ გვართ ბათუმში, როგორც ჩვენს ქვეყნის სხვა კუთხეებშიაც, საზოგადოებას ინდივიდუალიზმი (ცალ-ცალკეობა) ამარცხებს. ეს აზრი იმდენათ ქვე-

მართია, რომ „ხელის-ხელ საგომანებლათ“ შეიქმნა, დაძველდა და გაცედა.

ბათუმში ყველაფერი მოიკითხეთ, მხოლოდ გონებრივ საზრდოს, ესტეტიკურ სიამოვნებას, ნუ დაუწყებთ ძებნას. ეგ დროს — ცუდთ დაკარგვა იქნება. აქ, ქალაქის შუა გულში, მრავალია სახლები, სადაც ბუდობენ „დაკარგული არსებანი“, მრავალია სამიკიტნოები და სხვა ამგვარი გასართობი ადგილები. სამაგიეროთ აქ ერთ სამიკითხველს, ერთ წიგნთ-საცავს ვერ იპოვით. ვერ იპოვით, რადგანაც არ არის.

როგორც დარწმუნებით ვიცით, აქ ამ რამდენიმე წლის წინათ, სამიკითხველს გახსნისათვის შეაგროვეს ექვსასი მანეთი და წიგნები. ამ საქმის მეთაურობა რამდენსამე აქაურ ქალბატონს და ერთ მდივანს ჩაბარდა და მას აქეთ ჩაჩუმდა ბათუმის სამიკითხველს საქმეც. ვისაც ვკითხე, ვერაინ ვერ მიპასუხა, თუ როდის გახსნიან ბათუმში სამიკითხველს. ამბობენ, „არ მომკვდარა, მხოლოდ ძინავსო!“ ნეტავ, როდის გაიღვიძებს?

ამასობაში კი ბათუმის აუარებელ მუშა ხალხს და თვით ინტელიგენციასაც (sic) არავითარი ღონისძიება არა აქვს, რომ სადმე რამდენიმე სტრიქონი წაიკითხოს, თუ საკუთრებათ არ იზოგნა წიგნი. ბათუმში ორი წიგნის მაღაზიაა, მაგრამ ორივეში წიგნების სია ძლიერ მცირეა. ბევრიც რომ იყოს, რა გამოსადეგია? მდაბია ხალხს წიგნის ყიდვის შეძლება არა აქვს და აგრეთ წოდებული ინტელიგენცია კი „გეშეფტის“ სავაჭრო საქმეს გარდა არაფერს დაეძებს.

ესტეტიკასაც არ წყალობს ბედი ბათუმში, შემოდგომას აქ უკრაინელთა არტისტიული დასი მართავედა წარმოდგენებს, მაგრამ ეს დასი ძლიერ სუსტი იყო. ახლა ჩვენი „რკინის თეატრი“ ცირკათ გადააკეთეს და თბილისიდან „სური“ ჩამოვიდა. სრული იმედი გვაქვს, რომ ბათუმელები ცირკისა უფრო ბევრით სტუმრები იქნებიან, ვიდრე თეატრის.

იშვიათათ და ძლიერ იშვიათათ ჩვენ ქალაქს ესტუმრება „გზათ მიმავლი“ რომელიმე გამოჩენილი მსახიობი, როგორც, მაგალითათ, გასულ კვირებში ჩამოაფრინდა ბათუმში „ამერიკის ბუღბუღი“, „იჭიკ-იჭიკა, გვალხინა“ თავის ორი კონცერტით და გაუღდა გზას.

კვირას, 10 ნოემბერს მსახიობმა ს. ხარაზიშვილმა მითხრა: თუ გინდა, წამოდი, ნოქრების წარმოდგენას დავესწროთო. მე და ბ. ხარაზიშვილი წავედით ქალაქს გარეთ, ბარცხანაში, სადაც ნათას ქარხნებია გამართული. აქ რამდენსამე ნოქარს დაუქირა-

ვებიათ ერთი ძველი შენობის ზეითი სართული. (ქვემო სართულში ორი მიკიტანი და ერთი ფურნა). „თეატრის პარტერი“ გახლავთ მოზდილი ოთახი. შიგ უბრალო ხის სკამები აწყვიდა; მეორე პატარა ოთახის ფიცრის კედელი გამოღებულა და ჩითის ფარდა არის ჩამოფარებული. არც ესტრადა, არც დეკორაცია, არც სუფლიორის კუნჭული არ მოიპოება. უნებლიეთ გამახსენდა შექსპირის დროის სცენა, როდესაც „პროლოგი“ გამოვიდოდა და იტყოდა: „ახლა, ბატონებო, სცენა წარმოადგენს ზღვაში ლეღვას, სადაც გემი ილუპება“. განსხეუება ის არის, რომ იმ დროს შექსპირის დრამებს არდგენდენ, აქ კი გუნთას ეოდვეილებს. იქ გენიოსური არტისტები იღებდენ მონაწილეობას, აქ კი ნოქრები და მათი ცოლები.

მაგრამ, რაც იყო და იყო, მანაც წარმოდგენამ არტისტი ხარაზიშვილის დახმარებით, იმდენათ გვირინათ ჩაიარა, რომ საზოგადოება (ქარხნის მუშები) არ დარჩა უმადური.

მითხრეს: ეს მეორე წარმოდგენა არისო. პირველ წარმოდგენას 160 კაცი დასწრებია. ახლა 80 იქნებოდა. ცხადია, რომ გამართულ წარმოდგენებს ბევრი ნაკლი ჰქონდა. მაგრამ რა ჰქნან გამოუცდელმა ნოქრებმა? საჭიროა, რომ ბათუმის შეგნებულმა ყმაწვილ-კაცებმა და მანდილოსნებმა (ამბობენ, ბათუმში მოიპოვებიან ამისთანები) მიიღონ ამ კეთილ საქმეში მონაწილეობა.

მაგრამ, როგორც მოვახსენეთ, აქაური ინტელიგენცია „არ მომკვდარა, მხოლოდ სძინავს!“

როდის გაიღვიძებთ, ბათუმელებო?!

მინდოდა ქალაქის მმართველობაზედაც შეთქვა რამდენიმე სიტყვა, მაგრამ, როდესაც ამ საგანზე ჩვენდა საუბედუროთ, ზოგიერთი მეგაზეთეები ბევრს მართალს ლაპარაკობენ, იქ ჩვენ რაღა გვეთქმის!

გ. ს.

* *

ფაკობა (ქუთაისის მახრა). ამდენი ხანია ჩვენ ჟურნალ-გაზეთობას თვალს ვადევნებ და ოკრიბაზე კი არაფერი არ გამოგონია. ნუ თუ ასე უმნიშვნელოა ეს მხარე?

ოკრიბა მდებარეობს ქუთაისიდან, ჩრდილოეთ-აღმოსავლეთისაკენ და შედგება ხუთი საზოგადოებისაგან. მთელი ოკრიბა მთა-გორაკიანია, და ამიტომ მოსავალიც ნაკლები იცის, ასე რომ ადგილობრივთ მოყვანილი ჭირნახული ძლიერ იშვიათათ ჰყოფნით აქაურ მცხოვრებთ. ხშირათ ქვემო იმერეთიდან ეზიდებიან სიმინდს. აქ უმეტეს ნაწილათ მოყავთ ღომი და სიმინდი. ზოგიერთ სოფლებში თიხის ქურქელ-

საც აკეთებენ. კურსებელი კეცი და ოკრიბელი ღო-
მი განთქმულია ქუთაისში; რაც შეეხება სწავლა-გა-
ნათლებას, ამ მართი კი, ვგონებ, უკანასკნელი ადგი-
ლი უნდა ექიროს ამ მხარეს მთელ საქართველოში.
ასევე ითქმის ზდილობიანობაზედაც. ახლა რაც
ტყიბულში რკინის გზა გაიყვანეს და სხვა-და-სხვა
ხალხის მიმოსვლა გაიმართა ამ მხარეში, ზოგი-
ერთებმა წაბადებით ცოტ-ცოტათი შეითვისეს თავაზი-
ანობა; მაგრამ ღღემდისაც სწავლის შეძენის სურვილი
მცხოვრებლებს სრულიად არ ეტყობათ. სულ ამ ხუთ
საზოგადოებაში არსებობს ერთათ-ერთი სამინისტრო
ერთკლასიანი სკოლა, სადაც ამ ყაზათ მე თქვენი
უმორჩილესი მონა ვიძყოფები მასწავლებლათ, მაგ-
რამ სკოლა, რომელიც მთავრობას ძალდატანებით
გაუხსნია აქ, ისე არ უყვართ მცხოვრებლებს, რო-
გორც ურჩიას ღორი. იშვიათია, რომ ამ სასწავლე-
ბელში ორმოცმა შეგირდმა ერთათ მოიყაროს თავი
ისიც ზამთარში, თორემ გაზაფხულზე და შემოდგო-
მაზე ვის ცალია სკოლისათვის. მუშაობის დროს გა-
ნა სწავლისათვის ბავშვის მოცდენა შეიძლება! ზოგი-
ერთები პირობასაც თხოულობენ მასწავლებლისაგან:
თუ ამ სამ თვეში ჩემ შეილს ყველაფერს ასწავლი,
სკოლაში სიარულს დეაწყებინებ, თუ არა და მერე
ვერ მოაკლდისო.

ახლა ამინდზე და მოსავალზე მოგახსენებთ ორი-
ოდე სიტყვას. შარშან, თუ სადმე ზამთარი იყო, აქ
იყო: თოვლი შეიდი არშინი მოვიდა, ბევრა მგზავრი
იპსხეურბლა თოვლის ზეაქმა. წელს მოსავალს კაცი
არ ელოდა, რაკ თესვა გვანა იყო; მაგრამ, სიმინ-
დის მოსავალმა, როგორც ამბობენ, ბევრ სხვა წლე-
ბისას აჯობა, ღომი კი შემოდგომის გამუღმებულმა
ქარებმა გააფუჭა ალაგ-ალაგ. მთელი შემოდგომა ხმე-
ლი და ქარიანი იყო, რასაც კარგ ტაროსს უწოდებ-
დენ აქაურები რთელისათვის; ღვინოთი ვერც წინეთ
მოჰქონდა თავი ამ მხარეს, მარა წელს მაინც ხომ
სულ მოისპო.

სოფლის კაცი.

* *

ქ. ნახევანი (ერეენის გუბერ.) სომხები ამ ქა-
ლაქს „ჰინ“ (ძველი) ნახევანს უძახიან. ეს სახელ-
წოდება იმიტომ დაურქმევიათ, რომ მისი აშენება
მეტათ უხსოვარ დროს ეკუთვნის. ქ. ნახევანი მდებ-
არეობს მდ. არახის (არაქსის) მარცხენა მხარედან
ექვსი ვერსის სიშორეზე, ხოლო ერეენიდან 150 ვერ-
სის.

ეს ქალაქი ისტორიულათ შესანიშნავია, თავის
ციხით და ნოეს საფლავით (?). როგორც გადმოცემა

ამბობს, როცა ნოე არარატიდან დაშვებულა ძირს
პირველათ აქ გაუშენებია ენახი და აქვე გადაცე-
ლილა. მის საფლავათ წოდებული ადგილი მდებარე-
ობს ქალაქზე ცოტა მოშორებით და წარმოად-
გენს მიწაში ჩაფლულ ოთხ-კუთხიან ქვითკირის შე-
ნობას; ამ შენობის შუა-გულ ადგილზე ქვითკირი-
სავე მსხვილი ბოძია; ეს ბოძი სულ შემურულია სან-
თლებით; აქ მრავალი მლოცველები მოდიან.

შესანიშნავია აქაური მიწის თვისება თავისი სი-
მაგრით. აქ, როგორც საზოგადოთ მთელ ერეენის
გუბერნიაში, შენობებს უმეტეს ნაწილათ ტალახისა-
გან აკეთებენ. ეს ტალახი ისე მაგრდება, რომ ქვით-
კირს არ ჩამოუყარდება. წინეთ ციხეებსაც ამ მიწით
აშენებდენ, ესენი ახლაც ისე მაგრათ არიან, რომ
წერაქვითაც ძნელათ დაინგრევა.

მოსავალი წელს აქ ყველაფერის კარგი იყო.
ეს მოსავალი ჩემის აზრით ერთი-ორათ გარ-
კეცდებოდა, როგორც აქ ისე საზოგადოთ ერეენის
გუბერნიაში, რადგანაც სარწყავი და უმისოთაც ნოყი-
ერი მიწა ხელს უწყობს ამას, რომ რივიანი და გო-
ნიერული მიწის შემუშავება იცოდენ აქაურებმა.

აქ არის რამდენიმე ქარხანა ანუ უკეთ რომ
ეთქვათ სამღებრო, სადაც თეთრ ჩითეულობას სხვა-
და სხვა ფერადი საღებავებით, ადგილობრივი გემო-
ნებისამებრ, აჭრელებენ, რომელსაც ხმარობენ აქაური
„მზეთ-უნახავი“ ქალები. საკვირველია ამათი ძველი
დროის ერთი ჩვეულებათაგანი: თავ პირზე ჩამო-
ფარებული აქეთ მუხლებამდის: ხოლო იმას ქვეით
კი მზისგან დამწვარ-გამაყვებული კანი მთლათ უჩანთ!..

ტარ. ჭკბარელი.



ი ა ხ შ ი ო ლ .


ალავერდის პასუხათ

კ. ლ. კ. ა—ქეს.



ასშილ ძმა, მეტ ქართულურათ
გეტუკი პასუხათ ალავერდისა,
ასე ჩვეათ იმათ ძველ დროში,
ესევე ტბილ ხმათ გუქმის დღემდისა.

ეს ორი სიტყვა იმ დროს გვგონებს,
ოღეს ქართველებს ჭკონათ შობა



ფ ო ს ტ ი ს გ ა დ ა ტ ა ნ ა

და მათს მკიდრით შეეჭვიღა ძალსა
გერსს აკლუბდა გარშემო მტრობა.

ამ სიტყვებს შემდეგ ისინი თურმე
მჩაგალ-უაშიეს დამდურდენ ტკბილსა,
მაგრამ ღსინშიანს ასსოგდათ უველსს
რაც გალი ედგა მამულის შვილსა;

ასსოგდათ, რომ მათ მშობელი ღედს
ასტატებული ზრდიდა მისათვის,
რომ გაუკაცურათ საჭირო დროსე
თავი ემსხვერპლათ მამულისათვის!

რის გამოც იმათ ტკბილ სიმღერაში,
გმირული სმეებიც გამოისმოდა
და აღლავდით განდაცემული
უანწ-აწარფეს სშირათ ისმოდა.

ისმოდა და თან მათი სიმღერს
სმა შეწეობილი, ცხას წვდებოდა
და იქ ნაგურთსი განგებისგან
მიხს მტერს გულ-მკერდში ღასვრათ სკდებოდა!

ქართული ეგელგან ქართველი იყო,
ღსინში, თუნდ ჭირში, რაც შესვდებოდა,
რშიანს ძველებთ სსსელს იცავდა:
გაიმარჯვებდა ან მოკვდებოდა!

ღღეს დრო იცავდა, ქართულ მოღსინს
აწ სულ სსსა გვარი აქვს მნიშვნელობა,
ჩვენსაგ მომეებს მისი დღინვა
შეუსწავლიათ როგორც სელობა...

არ კადრულთბენ მოკეცით ჟღომას,
თუ არ სავარძელს გაღაჭიმული,



ს ა მ ნ რ ე თ ა ფ რ ი კ ა შ ი :

სმენის დამტკობი სუფრულის ნაცვლათ
შემოუღიათ სმები სსგა რჳული.

სულ სხვანაირი მონწილთ სსსსსმო,
ჩანწ-აზარტუშს ვინ მიიგარებს?
და თუ ესტუმრს მათ ჩოსიანი
ჩამოუგეტინ შესაგალ კარებს.

მკვერ-მეტველეურათ მონწრებულ სიტყვებ-
ზმა, გამოცანა, მასვილ სუმრობას,
ჩვენ რჳულსუ ნათქვამს, ცსვიის უბზუებენ,
გადაუღლიან წამსედურობას.

თარ-ჩონჯურის სმას, მკვენსარე ღუღუგს,
სხვის საჩვენებლათ ვითომ წუნობენ
და მით ზგონიათ თუ გადაგვარდენ,
მათ წინ რომ ურცხვათ მაიმუნობენ.

ჯობს იმათ, იმათ, ვუჩვენოთ ზურგია,
დაგვმეთ იმათი ქვეყნათ გაჩენა,
ვისეღმიდგანელათ იმ ჩვეულებით,
რომ მკელ ქართულებს მივბასით ჩვენა.

სშირათ გავმალეთ მწვანესე სუფრა,
რადგანაც იმათ ასე ჩვეუიათ
და სურც შეგარევეთ იმ წმიდა მცნებას,
რისკან ანც იმათ გადასუვეუიათ.

შენ აღლაგერდი, მე იასშიოლ!
გადმომეც ღვინით სავსე ბადია,
ის ვადლეგრელათ ვისი სიტოცსლე
და აუგვება გულოთ გვწადა...

საწამლავათაც რომ გარდამეჭეს,
გამოვცლი, იმათ, სწორეთ ცხადია,

იმან ისაროს, მე ჩემ სიტატსდეს
მის განტვალე, დამიქადია.

აღლაგერდი თქვი, მეც იასშიაღ,
ყანწ-ახარტეშა დავატრიალოთ
და ზოგეერთებთ გუღ-გასაკმიწათ
ტკბილი სუაგრული ჩავატრიალოთ!..

დეკ, დაგტინონ იმ ბატონებს,
დატინის დინსნი გინტ თვით აწიან,
ჩვენ მივამურთ იმ წმინდა მიწისს,
სითაც სულს და გულს მიუწარინ!!!

რუს-იმერული.

ყ ვ ხ რ ე თ ი დ ა ნ .

სოფელი და სასოფლო სკოლა გერმანიაში

II*)

ს კ ო ლ ა .



წავლის გასაგდელეგელი სკოლის დანიშნულე-
ბა მოწაფეთ არ დაეიწყებოდს სახალხო სასწავ-
ლებელში შეტენილი სწავლა-ცოდნა და ამასთა-
ნავე მისცეს ახალი ცოდნა პრაქტიკული ცხოვრები-
სათვის. სწავლის საგანია: საღმრთო რჯული—10 სა-
თი (წელიწადში), თხზულება—20 სათი, ანგარი-
ში—20 სათი, რეალური საგნები—30 სათი.

თხზულების საგანია: ბარათები, თხოვნები, პი-
რობის წერილები, მოწმობა—კვიტანციები, ყიდვა-
გაყიდვის, დაქირავება-გაქირავების ხელ-წერილები,
სესხება-გასესხება, ექილის ქალღლები და სხე. ყვე-
ლა ამებში ისე უნდა გავარჯიშდეს მოწაფე, რომ
შემდეგ, საქირების დროს, თითონ შეადგინოს და
მით „მოსე მწერლები“ მეტ ბარგათ გახადოს. ანგა-
რიშის საგანია: მოგება-წაგება პროცენტების გამო-
თელა, საანგარიშოები შესახებ მიწის ზომის, გაყო-
ფა—განაწილებისა და სხე. მაგრამ განსაკუთრებით
ყურადღება მიქცეულია დაზღვევის საქმის შესწავლა-
ზე. გერმანიაში არსებობს საეაღღებულა დაზღვევა
წინააღმდეგ საბერისა, დასახიჩრებისა, ავთმყოფობისა

და სხე. თითოეული სრულ-წლოვანი მუშა-კაცი ვალ-
დებულია თავის შემოსავლის დაწესებული პროცენ-
ტი დასაზღვევ კასაში შეიტანოს, რომ სიბერის, ავთ-
მყოფობის, დასახიჩრების და სხვა დროს მუქთი შე-
მწეობა მიიღოს. ამისთვის მან უნდა იცოდეს სად,
როდის, ან რამდენი შეიტანოს, რანაირ კვიტანციას
მიიღებს, ან რანაირი უნდა მისცეს, თავის შემოსავ-
ლის პროცენტები გამოთვალოს და სხე. ერთი სიტყ-
ვით, მან უნდა იცოდეს დაზღვევის მთელი სისტემა. ამის
გაცნობა და საფუძვლიანათ შესწავლა სწავლის გასა-
გდელეგელ სკოლაში წარმოებს. აქვე სწავლობენ
დაეთრის წაყენას და საეაჭრო საანგარიშოებს. (მარ-
ტივი ბუჰხალტერია).

რეალური საგნები: ისტორია, გეოგრაფია, მეურ-
ნეობა და სხვა-და-სხვა სააღებ-მიცემო ხელობა.

ისტორიის სწავლა მდგომარეობს ეიურტემბერ-
გის და გერმანიის პოლიტიკურ წყობილების გა-
ცნობაში და წარსულის აწმყოსთან დაკავშირებაში,
სამშობლოს პოლიტიკურ განვითარებაში და პოლი-
ტიკურ მართვა-გამგეობაში. აქ უნდა შესწავლონ
მთავრობის ენაობა და უფლება—მოვალეობა ერ-
თი მხრით, ხალხის ეინაობა და უფლება—მოვალე-
ობა მეორე მხრით, თანახმათ ამისა სწავლის პლა-
ნია: მთავრობის მხრივ, გერმანიის იმპერატორი, კან-
ცლერი, მოკავშირეთა საბჭო (Bundesrath), ეიურ-
ტემბერგის მეფე, მისი მინისტრები, გუბერნატორები
და მაზრის უფროსები; ყველა ამათი უფლება, მო-
ვალეობა და ადგილი სახელმწიფოში. იმასთანავე შე-
ერთებულია გერმანიის გერთიანების ისტორია. ხალ-
ხის მხრივ: რეისტაგი, ლანდტაგი, საბჭო, მოქალა-
ქე, მათი არჩევანი და მოვალეობა. ამასთან შეერთე-
ბულია კონსტიტუციის და პარლამენტალური წყო-
ბილების ისტორია და მინიშნელობა. აგრეთვე ეც-
ნობიან სხვა ქვეყნების წყობილებასაც. გეოგრაფიის
უმთავრესი საგანია გერმანია და გერმანიის წარმოე-
ბა, მრეწველობა, მეურნეობა, ნაწარმოებთა საზღვარ-
გარეთ გატანა, თუ შიგნით შემოტანა, ეაჭრობის მი-
მდინარეობა, კოლონიები, გადასახლება, გერმანიის
მისიონერები და სხე. ამასთან შეკავშირებულია ყვე-
ლა ქვეყნის გეოგრაფია, განსაკუთრებით ევროპის,
ამერიკის და აფრიკის.

ბუნების-მეტყველება შეერთებულია მეურნეო-
ბასთან და სააღებ-მიცემო ხელობასთან. მეურნეო-
ბაში განსაკუთრებით ყურადღებას იქცევენ შინაური
ცხოველები, მათი მოვლა და მოშენება, მეურნეო-
ბისათვის სასარგებლო და მავნე ცხოველები, მიწის
თვისებები, მიწის სხვა-და-სხვა ნაყოფი, ზოსტანი, ეე-
ნახი და სხე. აღებ-მიცემობაში: მაშინები, მაშინების

*) „ის... კვლე“ № 48.

როლი წარმოებაში. ახალი გამოგონილი საწარმო-
ეო იარაღები და სხვ. აქვე ხატვა და ზომა.

იმდენათ, რამდენათ დრო ნებას იძლევა ჰიგი-
ენასაც გადიან. მთელი ეს მასალა ორი წლის გან-
მავლობაში უნდა იქმნეს შესწავლილი. გაკვეთილია
სალამოს, რისთვისაც ამ სკოლას ხალხში უწოდებენ
„ზამთრის სალამოს სკოლა“ (Vinteralendschule).

უკანასკნელი ორი საგანი იცვლება თანახმათ
ადგილობრივი პირობებისა და მოთხოვნებისა. აც-
ნობენ წარმოების იმ დარგს, რაც თავის სოფელშია
და რაც მკვიდრთ აინტერესებს. იქ სადაც ღვინო არ
დგება, ვენახზე საუბარი ფუჭია. აქ ითვისებენ, რა-
საკვირველია, ელემენტალურ ცნობებს და არა და-
წერილებით, სპეციალურს. სპეციალური სწავლისა-
თვის საჭიროა სპეციალური სასწავლებელი, რომლის
გახსნა საზოგადოების საქმეა. სახინა აქაც ეხმარება.

ასეთი სპეციალური სწავლის გასაგებებელი სკო-
ლა ორნაირია: სამეურნეო და საეაქრო-სამრეწველო 1).

სამეურნეო სწავლის გასაგებებელი სკოლა ოთხ
ნაირია: 1) სამეურნეო სწავლის გასაგებებელ სკოლას-
თან შეერთებით, ამ შემთხვევაში გაკვეთილთა რიცხ-
ვი მატულობს და სამეურნეო ნაწილს უფრო დაწე-
რილებით გადიან, ეინემ ზევით მოყვანილი პროგ-
რამა აჩვენებს; 2) საკუთარი სამეურნეო სკოლა;
3) საღამოობით მოზდილთა სისტემატიური კრება;
4) კითხვის საზოგადოება (Leseverein). ყველა ეს
წარმოებს ზამთრობით, კვირაში ერთი საღამოა მიჩე-
ნილი. მოწაფენი, ანუ მსმენელნი არიან 14—18
წლის და 18 წლას ზევით, მოზდილი ევაკანია. პირ-
ველნი გადიან მოკლეთ, მეორენი კი დაწერილებით.
მასწავლებელი ან ადგილობრივი სასოფლო სკოლის
მასწავლებელია ან და რეალური სამეურნეო სასწავ-
ლებლიდან მოწვეული. სოფლის მასწავლებელთა-
თვის დრო-გამოშვებით იკითხება სამეურნეო ლექ-
ციები ჰოჭენაჰიმის სამეურნეო აკადემიაში (შტუტ-
გარტთან ახლოს). მასწავლებელი აქ იძენს სამეურ-
ნეო ცოდნას და თავის სოფელში მასწავლებლობს. იქ,
სადაც სამეურნეო სკოლა არის, საზოგადო სწავლის
გასაგებებელი სკოლა ისპობა, ხოლო საკვირაო რჩე-
ბა. ყველა ეს დამოკიდებულია ადგილობრივ მოთ-
ხოვნილებისაგან.

სამეურნეო სკოლებს ყოველ წელს ათვალი-
ერებს „ზაზრის სამეურნეო საზოგადოების“ წევრი,
რომელმაც აგრონომია იცის და სწავლების ანგა-
რიშს წარუდგენს „საზოგადოებას“. აქედან კი სამე-

ურნეო საზოგადოებათა ცენტრალურ კომიტეტს ეგ-
ზანება.

მეორე ნაირი სპეციალური სწავლის გასაგებებელი
სკოლა არის საეაქრო-სამრეწველო. მისი დანიშნულებაა
მოწაფეთა განვითარება ეაქრობა-მრეწველობის საქმე-
ში. სწავლის მასალა განიყოფება სამათ. I ხატვა: 1)
უბრალო ხატვა, 2) გეომეტრიული ხატვა, 3) ტენიკუ-
რი ხატვა. II მეცნიერული ნაწილი: 1) სამშობლო
ენა (კითხვა, თხზულების წერა, რაც კი ეაქრობას
შეეხება), 2) ანგარიში (ზეპირათ და წერით, აგრეთვე
მეტრიკული სისტემა, რთული პროცენტები და სხვ.),
3) დავთრის წაყვანა—(Buchführung) 4) ბუნების
მეტყველება. III ეაქრობა: 1) საეაქრო მიწერ-მოწე-
რა, 2) საეაქრო ანგარიში, დავთარი (ბუხჰალტერია),
3) უცხო ენები, ეაქრობის ისტორია, გეოგრაფია,
სტენოგრაფია, ეკონომია და სხვ. ამ ტიპის სკოლას
ეკუთვნის აგრეთვე „ქალთა შრომის სკოლა“ (Fra-
uenarbeitsschule), სადაც ასწავლიან განსაკუთრე-
ბით ხელ-საქმეს და აძლევენ ისეთ ცოდნას, „რაც
ქალთა ახალგაზდობას თავის რჩენას გაუადვილებს“.
(„ღებულება“).

ამნაირათ ხალხის განათლების საფუძველია პირ-
ველ დაწყებითი სკოლა, აქ შეძენილი ცოდნა განი-
ერდება და მრავალიც ერთვის საკვირაო და საზოგადო
სწავლის გასაგებებელ სკოლაში. სამივე ეს დაწესე-
ბულება შეიცავს საზოგადო განათლებას და არის
კანონით სავალდებულო. ორი დანარჩენი — სამეურნეო
და საეაქრო — სწავლის გასაგებებელი სკოლა შეიცავს
სპეციალურ საგანს, გამოწვეულს ადგილობრივი მო-
თხოვნილებით, მკვიდრთა ადგილობრივი ნივთიერი
პირობებით და მამასადავამ ეს ყველგან, ყველა სო-
ფელში და მაზრაში ერთი და იგივე ვერ იქნება.
ამიტომ ამ ტიპის სასწავლებლის გახსნა საზოგადოე-
ბის სურვილზე არის მიშვებული. საზოგადოება, რო-
მელიც უფრო საეაქრო ასპარეზზე მოქმედებს, საეაქ-
რო კურსებს ხსნის, თუ მეურნეობს, სამეურნეო სწავ-
ლას ეტანება. პირველნაირი სასწავლებელი უფრო
ქალაქებში და ეაქალაქებულ სოფლებშია. ეს საქმე
ეაქურ ქალაქებში სამაგალითოთ არის მოწყობილი.
თითოეულ უბანში ქალაქის თვით-მმართველობა სა-
ეაქრო კურსებს ხსნის, სადაც საუკეთესო მასწავლებ-
ლებია მიწვეული. სწავლის საგანი, ძრვიელ ფართო
და ვრცელია, მარა ყველა ამებში უპირველესი ალა-
გი უჭირავს ანგარიშს, ბუხჰალტერიას და ენებს 1).

1) ურნეო არ იქნება ჩვენს ქალაქთა თვით-
მმართველობამ ეაქურ თვით-მმართველობას ამსაქმეში მა-
ინტ წაბაძის, მით უფრო რომ ამას დიდი ხარჯი არ
ჭირდება.

1) სრული სახელი: Landwirtschaftliche frei-
willige Fortbildungsschule და gewerbliche Fort-
bildungsschule.


პროგრამა კი ყველგან ის არის, რაც ზევით მოვიყვანეთ, ხოლო ზოგან ვრცლათ გადიან და ზოგან მოკლეთ. სამეურნეო კურსები კი, რასაკვირველია, ასე გაფრცხვლებული არ არის. მეურნეობა ქალაქს არ აინტერესებს და ამ საგნისათვის არც ზრუნავს, და რადგანაც დღეს ქალაქი ბატონობს და არა სოფელი, ამიტომ სამეურნეო განათლებასაც მეორე ხარისხოვანი ადგილი უჭირავს. სამეურნეო სწავლაცოდნას ეტანებიან განსაკუთრებით მემამულენი. ესენი ადვენენ სამეურნეო საზოგადოებას და ცდილობენ ხალხში სამეურნეო სწავლა გაავრცელონ. ამის საუკეთესო მაგალითს წარმოგიდგენს პრუსიის „მეურნეთა კავშირი“ (Bund der Landwirthe), რომელიც იმავე დროს კონსერვატიული პარტიის ბუდეა.

რაც ჩვენ ვთქვით სასოფლო სკოლების და მათ პროგრამების შესახებ იგივე უნდა ითქვას ქალაქის სკოლების და მათ პროგრამების შესახებაც, იმ გარჩევით, რომ აქ მრავალ კლასიანი სკოლებია და მამასადამე პროგრამასაც ვრცლათ და ბეჯითათ გადიან.

ამით ვათავებ სკოლებზე ბაას და გადავდივარ სოფლის მასწავლებლებზე.

სასწავლებლები.

(შედეგი იქნება).



განგება ღვთისა აღსრულდეს!..

(ოსური ლეგენდა)



გეანოზი თანდილა, თორმეტი წელიწადი ბარის ოსებში ღეკანოზათ იყო. თავის სამშობლო ადგილს ყმაწვილობითვე თავი დაანება და მიწდრათ — ოსებშივე შეირთო ცოლი და შეუდგა ოჯახის მოშენებას.. იგი ორმოც-და-თუთხმეტ წლამდე იყო მიხწეული. მას კარგა ხანია სურდა თავის მთაში დაბრუნება და ბოლოს დროს თავის ცოლთან ბაასი სულ იმაზე-ლა ჰქონდა, რომ დროით მიბრუნებოდა თავის ძვირფას სამშობლოს, სადაც მას გაეტარებია თვისი სიყმაწვილე და სადაც „ეგუოვის მამა-პაპათა კუბუს ფიცარი“ და ამისთვის ერთ შაბათ დღეს, დაღალულ დაწყევტილი ყოველ დღიური საოჯახო საქმის კეთებით — შეუდგა მამა-პაპეულ სადგომისკენ გადასახლების სამზადისს. მიიხზრა ცოლიც, მიატრია ბარათ ცხოვრება და გადასახლდა ს.

ვილდას, რომ იქ მაინც დაძაბუნებულს და მოხუცებულს მოესვენა.

იგი მხნე იყო და გამჭრიახი; დაუღალა-ვი, მაკრამ მაინც ღარიბი. მისი მთიური დარბაზი იყო ძველი და გათხსნიებული. ერთათ-ერთი შეენება მის მდგომიარობისა იყო სახლწინ ნაძვის ხე — ზამთარ ზაფხულ მწვეანთ მოღალადე და მის ძირ-შივე აგურის თალით ამოყვანილი, ყინულივით ცივი, ბროლივით წმინდა ანკარა წყარო, რომელიც ადვილობრივ ოსებს გამკურნებელ და წმიდა წყლათ რწამდათ.

თანდილას სიცოცხლეში ბევრი რამ გადახედა; უნახავს მრავალი მდიდარი ოჯახი, არამც თუ თავდაზნაურებში, თავის კარის მეზობლებშიაც, მაკრამ არც ერთხელ მათ მიერ შური არ დაბადებია. ერთხელაც არ გაუელია გულში შეეღარებოდა მათთვის თავისი ღარიბი ოჯახი. იგი მამა-პაპეულ ადგილში კიი ხანა არა მდგარა; ბარათ ცხოვრებდა და იქაც ნახევარზე დეკანოზობას უნდებოდა და, აშკარაა, ხელმართ ოჯახს წინ ვერ წასწევდა. მაგრამ ახლა, რადესაც იგი დაბინადა თავის სამშობლოში, თავისუფალი დრო ხელთა ჩჩებოდა, ცდა და ფიქრი შეეძლო რამდენიც სურდა.

რამდენი ხანიც დაჰყო დეკანოზმა სამშობლო ადგილს, იმდენი უფრო უმეყოფილო რჩებოდა თავის ქონებით. თვალში ეჩჩირებოდა მეზობლის დარბაზი, სულ მუხის გულით ნაშენები ქედობზე, მის სახლის ახლო, რომელიც გვერდზე ძველ კოშკმიდგმული, მძლავრათ და ამყათ გადმოიყურებოდა. „ნამდელი არწივის ბუდეა! ვაჟკაცური, მაგრამ არა შესაფერი მის პატრონისა“, ამბობდა გულში დეკანოზი. ეს იყო ეს უკლავდა გულს. გადასწყვიტა მისი დასაკუთრება თანდილამ და თვისი აზრი გაუნაწილა მეუღლეს. მისთვის კი არა რომ მისგან რჩევა რამე მიეღო ამ საგანზე, თანდალას ქალთან თათბირი დამცირებათ მიაჩნდა, თუმცა იგი იყო მისი ცოლი და დედა ოთხი ვაჟიშვილისა. მან თვისი მოსაზრება მიტომ წარუდგინა ცოლს, რომ სურდა ხმა ამოეღო, დალაპარაკებოდა ვისმე. ქუქიონას (ასე ერქვა ცოლს), ეშინოდა თავისი ქმრისა, ემორჩილებოდა ყველაზე, ხოლო ამ შემთხვევაში მისი გული შეტოკდა, სინიდისმა გააბედვია ეთქვა ქმრისთვის, რომ კოშკიანი სახლი, შეადგენს თანდილას ძმისწულის საკუთრებას და წართვევის უფლება არა აქვს.

ცოლის წინააღმდეგობამ თანდილას მწარე დიმილი მოჰგვარა. ქიტას! მერმე რა ძალა აქვს ქიტას? ჩემზე ხომ „უპრიანია“, როგორც ბიძაზე. ქიტას რა შნო აქვს იმ სახლების მოხმარებისა. ქიტას, რომელსაც ცხერის ტყავი ზამთარ-ზაფხულ ტანიდან ვერ

მოუშორებია და გლია კერას პირას გაუნძრეველი. აფსუს სახლო, აფსუს ოჯახო!

— ნუ თუ ქიტასთანაც ხელის გაქნევა დამპირდება?! მიეცემ სამაგიეროთ ჩემ დარბაზს და ხოდაბუნებს და თუ აიმრიზა, არ დაქმყოფილდა, ნაძვის ხე და მისი ჯანი! ჩურჩხელასაებ ჩამოეკიდებ ხედ, მორჩა და გათავდა...

ქიტას წაართვეს სახლკარი, წაართვეს დარბაზი — შეენება მთელი სოფლისა და იგი, რასაკვირველია, ჩიოდა ამას საქვეყნოთ. ამიტომ ერთ ღამეს თანდლილამ ქიტა ჩამოჰკიდა ნაძვის ხეზე და ჩამოახრჩო. დიდი ტირილი და ეგება ჰქონდა ქოქიონას წმიდა ხის გაცოდვიანებაზე, მაგრამ რას იზამდა! დეკანოზი იცინოდა; შეილები კი ჩუმათ ტიროდენ. მხოლოდ მეზობლობა, რომ გაუვლიდა ნაძვის ხეს წყაროს ამოსაღებათ, შენდობას უთვლიდენ ქიტას და თანეე გოაცვებით გაიძახოდენ: „ღმერთო, რა ცოდვა დატრიალდაო!..“



განვლო წელიწადმა; დეკანოზს სახეზე სევდის დალი დაეტყო, შეიქნა ჩაფიქრებული, იყო მდუმარე — გაუცინარი. დამდეგ მისს, როდესაც ოსთა წითელ ხატობამ მოატანა, იგი შეუდგა სამზადისს და მოისურვა დღეობის გადახდა. ამ ნადიმს მრავალი ოსობა დაესწრო. ბევრმა უსურვა ახალ შეძენილი დარბაზის მშვიდობაში მოხმარება. დღეობამ გასტანა ორი დღე და ღამე; ლუდი და არაყი წყალღვით ისმოდა. მასპინძელი ისე გაპურადდა და გამხიარულდა, რომ ორი კოკა ღვინოც კი ამოატანა ბარის ოსებიდან.

მაგრამ დეკანოზს გულს უკლავდა მეზობლები-საგან ნანახი და ნამბობი; ერთი მენახირე გულ მოდგინეთ ფიცავდა წმიდა გიორგის სახელს და მის შუბის წვერს: რომ ხედი-ხედ შეიდი ღამეა მესმის ნაძვის ხის ტოტების ლაპარაკი და ჩურჩული, როგორც ნამდელი ადამიანის, მასთანავე დეკანოზს თავის ყურითვე გაეგონა რამდენჯერმე სახელი ჩამოხრჩობილისა: „ქიტა-ქიტა“!

დღეობის დასაწყისში, დეკანოზის ზოგიერთ მეზობლებს, საღამოს ჟამს დაენახათ ნაძვის ხე, სრულიად გატიტვლებული, უფოთლოთ, უტოტებოთ, რომელზედაც აშკარათ ენახათ გეამი ქიტასა, ცხერის ტყავში გახეყული, ტოტზე თოკით ჩამოკიდებული და ყელში მოხრანტალე. დეკანოზი მით უმეტეს ელოდა სასჯელს, რომ მისივე მეგობრები, მონუცი დეკანოზნი, უქადდენ ღალუბვას და სასტიკ სასჯელს უფლისას.

ნიშნები მისის სასჯელისა თან-და-თან ჩნდებოდა. არ გასულა ერთი კვირა, რომ ნაძვის ხე ძირიან წაიქცა. შემდეგი კვირის ხუთშაბათს, ღამე ატყდა

ელვა—ჭექა, დაეცა მენი ციხეს და ძირიან აღმოეხერა. ხოლო მესამე კვირა ღამეს, წყაროს შუა გულიდან ამოვიდა მოხუცი თავით ფეხამდე თეთრი თოვლივით, ხელთ ეპყრა ყვარჯენი, რომელიც სამჯერ მუქარით შემოიქნა დეკანოზის დარბაზისკენ; მეორე დღეს დილით წყარო დაშრა და აღარ ჩანდა მისი არსებითი ნიშანიც. მთელი სოფელი შიშის ზარმა აიტანა საყოველთაოთ, „ლეცაუ ბაყასქენო“*) გაიძახოდენ, „უბედურება მოვლის ჩვენ ცოდვიან სოფელსო“. მაგრამ გულქვა დეკანოზი, როდესაც უამბობდენ ამ ამბებს, მწარეთ ილიმებოდა და გაუტეხავათ ემუქრებოდა მიხრობელს, თუმცა ბოლოს, ცოდვის მოსანანიებლათ ორი დღე და ღამე გაჭიმა დღეობა და წეეულება. გათავდა დღეობაც. სტუმრები წაიღ-წამოვიდენ და დარბაზი დეკანოზისა მოიცვა გულშემსუთეელმა მდუმარებამ. განვლო მას შემდეგ რამდენიმე დღემ და დეკანოზს პირველი უბედურება დაატყდა თავს: მისი უფროსი შეილი, რომელსაც თურმე „ლაჭაურის“ ფოფხზე ცხვარი ეძოვებია, დაგორებულ ცხვარს გაჰყოლოდა დასაქერათ, გადაჩხნილიყო უზარ-მაზარ კლდიდან და იქვე სული დაელია. ამის გამო, მასთან მყოფი, მოჯამაგირე ოსი, დეკანოზმა ხანჯლით დაჩეხა, რატომ არ უშეეღე ჩემ შეილსო.

არ გასულა დიდი ხანი, რომ მისი მეორე შეილი ცხენმა დაჩეხა ერთი ოსის ნახევარ წლის წირვაში. ამ დროს იარაღის გამოფენა იციან მიცვალებულის საფლავზე და დაესწრებიან ყველა მოჯირითენი საგანგებოთ არჩეულ ცხენებით, ვინც ხეზე ჩამოკიდებულ იარაღს გაჭენებული ცხენით შეწვდება, მისია ჯირითი მოკვებული და გამოფენილი იარაღიც მას რჩება. დეკანოზის მეორე ვაჟი დაესწრო ამ წირვას; მართალია ჯირითი მოიგო, მაგრამ ფეხი უზანგიდან უღროვოთ გამოაცალა და ცხენიდან გადმოვარდა; ცალი ფეხით უზანგოში გაყრილი ცხენმა დიდხანს ათრია და ბოლოს შეიწირა კიდევ...

მესამე შეილი სმის დროს ერთმა ოსმა დაშბაჩით მოჰკლა. მეოთხე კაცკაეის ოსებში გადავიდა და იქ სამუდამოთ მიიკარგა. დეკანოზის ცოლს ამბავი მოუვიდა, რომ იქ ქისტებთან ერთათ ავაზაკობისათვის ყაზახებმა მოჰკლესო.

საწყალი ქოქიონა! დღე და ღამ ავრქვევდა ცრემლს და სანთელივით დნებოდა ნალელისაგან.

თვით დეკანოზი ოთხი ვაჟიშვილის ზედი-ზედ დახოცვით მოტყდა და მოუძღურდა, ერთ დღეს აიღო ჯოხი და ბარის ოსებში ჩაივდა მღვდელთან ჩრევისათვის. მღვდელმა ურჩია გულწრფელი ლო-

*) ღმერთო გვიშველი.

ცვით გამოეყიდა თვისი შეცოდებანი. ურჩია ავშე-
ნებია ნიშიც და იქვე ელოცნა მუდამ დღე.

რამდენსამე კვირას შემდეგ, სოფ. ვილდას დე-
კანოზმა ააშენა ახალი ნიში მუხის გულის ნა-
თალი ფიცრებით. თვით ქუდ მოგლეჯილი, სან-
თელ კელაპტრებით იღვა ხოლმე ნიშის წინ და ხან-
გრძლივით ევედრებოდა უფალს.

მაღლე ქოქიონაც ჩაეარა ლოგინათ და გამო-
ესალმა წუთი სოფელს.

ცოლის უეცარმა სიკვდილმა წელი მოწყვიტა
დეკანოზს, იგი თმა გაწეწილი გვიგით გაეშურა ისევე
ღვდელთან; უამბო თავის უბედურება და რჩევა შეპ-
კითხა:

— მღვდლო, რა ვქნა, რომ მოვიანაიო ცოდ-
ვანი ჩემნი?

მოძღვარმა მძიმეთ გაღისვა ხელი წვერზე, გადა-
სახა პირჯვარი თანდილას და ღინჯათ მიუვო:
— ჩანს, შეილო, მძიმენი არიან ცოდვანი შენი...
განგება ღეთისა აღსრულდეს!..

ამით გაღუწურა უკანასკნელი იმედი დეკანოზს.
იგი მუხლებში იქვე მოწყდა და დასუსტებული ნა-
ბიჯით შეუდგა ს. ვილდას ასეველ აღმართს. გზაში
ბევრგან დაისვენა ღონე მიხდილმა. შესევა ბევრგან
მთის წყარო, მაგრამ უგემურათ ეჩვენებოდა. თა-
ვისი წყარო აგონდებოდა, თავზე ნაძვის ხე წამოდ-
გმული. მოეჩვენა რამდენჯერმე ცხვრის ტყავში გა-
ხეული ქიტაც. იგი აირია, დაიბნა. მანამ სახლს
მიატანდა შეიშალა კიდევ და გაეარა ტყეში. ერთ
კვირას შემდეგ მგზავრმა სოფელში ამბავი მოიტა-
ნა: ღმერთმანი, თანდილა დათვის შეუჭამია, წი-
ფელას ტყეში; მისი თავი გამოხრული ვნახე და ხან-
ჯალი წიფლის ძირში ჩაქანგებულიო.

დეკანოზის სიკვდილს შექმდე ერთი საოცრე-
ბა მოხდა. სოფლის წყარომ ძველებურათვე იწყო
ჩუხჩუხი, ნაძვის ხე ადგა და შეიმოსა სასიამოვნო
მწვანე ფოთლებით. ამასთანავე ერთათ სოფელმა
ააშენა ახალი წმიდა გიორგის ნიში, რომლის დღე-
ობაზე მთელი მთის ოსობა თავს იყრის ხოლმე.
თვით დეკანოზის ძველი დარბაზი და ქიტას კოშკი-
ანი სახლი მიინგრ-მოინგრა. ღვარძლა, ცუდი ბალა-
ხია შიგ ამოასული და სხვა-და-სხვა ქვეწარმავალი ბუ-
ღობს.

ა. კრისტავი.



უცხოეთის ამბები.



ასული კვირის განმავლობაში სტამბოლში
კუნძულ კრიტის საქმეების მოწყობაზე ჰქონ-
დათ სჯა. ელჩებმა საერთოთ განუცხადეს ოს-
მაღეთს მთავრობას, რომ ისინი თანახმა არიან უც-
ხოელების ჩარიცხვაზე კრიტის ქანდარმებათ და აგ-
რეთვე ქანდარმების უფროსებათ უცხოელ აფიცრე-
ბის დანიშნაზე. 19 ნოემბერს მოხდა უკანასკნელი
სხდომა იმ კომისიისა, რომელსაც უნდა მოეწყო
ქანდარმების საქმე კუნძულ კრიტზე.

ოსმაღეთის დელეგატებმა ამ სხდომაზე განაც-
ხადეს, რომ პორტა არ ეთანხმება უცხოელების ჩა-
რიცხვაზე ქანდარმერიაში, მაგრამ თანახმაა, დროებით
დანიშნონ უცხოელი აფიცრები. ეს კომისია და აგ-
რეთვე სამოსამართლო რეფორმების კომისია ახლო
ხანში გამგზავრება თავის დანიშნულების ადგილზე.

თითქმის ამავე დროს ელჩებმა პორტას წარუდ-
გინეს წინადადება, რომლითაც ისინი თხოულობენ,
რომ კუნძულ კრიტზე გაგზავნილი საადლინ-ფაშა
ისევე უკან იქნას დაბრუნებულიო; ამასთანავე დათ-
ხოენილ იქნას კრიტის ჯარების უფროსი. ამას გარ-
და ელჩები თხოულობენ, რომ უმაღლესი სასამართ-
ლოს პრეზიდენტათ და ობერ-პროკურორათ კრიტისა
ქრისტიანები უნდა იქმნენ დანიშნულიო. ამაზე
პორტამ უპასუხა, რომ საადლინ-ფაშის გაგზავნას კრიტ-
ზე, მხოლოთ სამხედრო და ადმინისტრაციული ხასი-
ათი აქვს და არა პოლიტიკურიო.

სტამბოლში ამ დღეებში დააპატიმრეს ზღვის
სასწავლებელის 15 მოწაფე და სამხედრო სასწავლე-
ბელის 4 მოწ. და აგრეთვე სხვა კერძო პირნი; ეს
გამოწვეულია ოსმაღეთის ახლოგაზდების მოძრაობის
გამო. ამავე დროს სტამბოლიდან იწერებიან, რომ
ხარპუტში და დიარბერქირში არეულობა მოხდა და
ალაშკერტის საოლქოში ოსმაღეთის ჯარი სომხებს
შეეტაკაო, მაგრამ ამ ამბების შესახებ ჯერ-ჯერობით
ელჩებს არავითარი ცნობა არ მიუღიათ.

ამ დღეებშივე დამთავრდა საპარლამენტო არ-
ჩენები ბოლგარიაში. არჩენების დროს უბედუ-
რება არ მომხდარა, თუმც მართებლობის მოწინააღმ-
დევე პარტია ძლიერ მოწადინებული იყო უწესაგმა
მოეხდინა, მაგ., სატახტო ქალაქ სოფიაში ქვებიც
კი დაუშინეს პოლიციელებს. საზოგადოთ ოპოზიცია

წლებადღე არჩევანებში დიდ მონაწილეობას ღებულობდა, მაგრამ ამის მიუხედავად მეტათ საგრძნობლათ დამარცხდა. 169 არჩევანიდან მართებლობის პარტიამ გაიმარჯვა 151 არჩევანზე, ოპოზიციამ მხოლოდ 14-ზე (4 არ შედგა); ამასთანავე არც ერთი ოპოზიციის გამორჩენილი მეთაური: რადოსლავოვი, გრეკოვი, ცანკოვი და კარაველოვი,—არ აურჩევიათ.

სახუმარო გასართობი.



იჟანიკა. გამარჯობა შენი, გოჯასპირ.
გოჯასპირ. ღმერთმა გაგიმარჯოს, იჟანიკა!
იჟანიკა. ამისთანა გამარჯვება მიეცა ბერძნებს და ვინც ჩვენი შვიი ქვის საქმეს ახდენს!
გოჯასპირ. როგორ კაცო! საიდან მოდინხარ?
იჟანიკა. საიდან მოვდივარ და ბათუმიდან!..
გოჯასპირ. ბათუმში რა გინდოდა?
იჟანიკა. რაღა რა მინოდა?... ამას წინეთ ფოთში ვიყავი ბერძენ იანოპულოსთან, ფულების ასაღებათ, იმან ბათუმში დამიპირა. შენს მტერს მისთანა, მე მომივიდა. ევდიე, ევდიე, რა ბძანებაა?... სადაც უიკითხე კანტორებში, კინალამ ცხვირი მომტყხეს, აქანა ფოთი კი არ არის, ბერძენის კანტორას რომ ეძებო!.. იმ ზომანზე მივედი, რომ სახარჯოც გამომეღია. ისთვეე ვარჩიე ჭიათურისკენ დაბრუნება. გავბრიყვდი, ძმაო, მეც მოვიკიდე მარგანეცის წარმოებას ხელი და ჩაუვარდი იმ წყეულ ბერძნებს ხელში. ახლა სხვა არა იყოს-რა მუშებს ვეღარ გოდურჩები მოუკლოვი. გამიშვა ხელიდან და მუშების ფულიც მე დამატეხა კისერზე. შენ, გოჯასპირ სად იყავი?
გოჯასპირ. მეც ვიყავ ფოთში.
იჟანიკა. ვაი თუ შენც ჩემსავით ატრუკდი?..
გოჯასპირ. აოხრება და გატიალება იმათ, ვინც პირველათ ისინი ჩამოათესლა ჭიათურაში?
იჟანიკა. შენ მაინც, რომელთან გაქ საქმე?
გოჯასპირ. აკი, გაუწყრა ღმერთი, მოგების სულმა წამძლია და ახლა მეც შენისთანა ტაფაში ვიხრაკები! ჩამსევა იმ მამოხრის შეილმა,—ავეგერინოა, თუ ვიღაც ჯანდაბა! ათი დღე დავჩიი, ფულს ვუყურებდი, არ იქნა, არ მოუვიდა: „პარახოდი“ მოვა, ფული ბლომათ იქნებოა,—მატყუებდა მისი პრიკაშიჩიკი. ვანა მე არ ვიცოდი, რომ „პარახოდი“ ფულს არ მოიტანდენ? მაგრამ ეს იყო თვალების აბმა და კიდევ ასე გვიბმენ თვალებს ბერძნები. ევროპიელებმა, ხომ ლამის ჩაგყლაპონ.

იჟანიკა. მაინც რა იმედით გამოგისტუმრა?
გოჯასპირ. ათი მანეთი მომცა სახარჯოთ, წადი ჭიათურაში ფული იქ მოგივაო. აბა, რას მომცემს! თურმე ბანკები მოუტყუებია და ახლა დასაქერათ ეძებენ.
იჟანიკა. ჩვენი საქმე ცუდათაა, ნამეტურ მემამულეების, თუ რამე არ მოვახერხებთ..
გოჯასპირ. აბა, რა უნდა მოვახერხებოთ კაცო! რამდენი ამხანაგობები შედგა: „სინდიკატი“ ვარო, მეორე კავკასიის შვიი ქვის ამხანაგობა ჩ - ძის მეთაურობით და—მესამეც რაღაც „ობშჩესტვოს“ ეძახიან, ორასი კაცი არის შიგ მომწყვედელი და ყველას ბოლო ეღება. პირველმა სინდიკატმა, ზ—ჩის მეთაურობით, სახელი კარგი გაიტევა. მაგრამ ვისაც სისხლი ეღვა, ყველა წურბელასავით გამოწოვეს ევროპიელ კაპიტალისტებმა და მათმა კამისიონერებმა.
იჟანიკა. მერე ბ. ზ—ჩი რას უყურებს! მასთე რაღა გასულელდა?..
გოჯასპირ. იმაშააც მოგტყუებდათ. მართალია, განათლებული კაცია, მაგრამ წარმოება-მრეწველობას სულ სხვა გოკრა უნდა. ჩ—ძემ თავისი ამხანაგობა შეადგინა, ფასები დაუკლო, სინდიკატს გავაკოტრებო, მერე მთელი მარგანეცი მე დამრჩებოა. თითონაც ვაკოტრდა, სინდიკატსაც საქმე წაუხდინა და ჩვენ ყველანი წყალში ჩაგვყარა. ჩ—ძეს რომ საქმე მოუვიდა, შენს მტერს! კინალამ ხანჯლე-



ბით დაჩხეს ერთმანეთი. ჩ—ძე აბასთუმანში იმალებოდა სამ თვეს, როცა მისმა ამხანაგებმა შეატყეს, რომ მისგნით მოტყუებული დარჩენ.
 ი—კო მეთაურობდა.

(შემდეგი იქნება)

„კვალის“ ფოსტა.

სად. კერარი. ვანოს: თქვენი ლექსი ჭეინუდან არ დაიბეჭდება; თარგმანი დედანს არ ემგზავნება.

სოფ. ჩ-თი. ა. დ-ს: ასლა თქვენ ასწავლეთ ბავშვებს უკეთესი გზა. „სოფელში მიდრეკილი ზნეობა“ გასწორეთ და ჩვენც გაგვათავისუფლეთ ამ გვარის ლექსების კითხვისაგან.

სადა ქართველს: თქვენი ლექსი „ვისაც როგორ მოუხდება, ისე უნდა ჩასვლას“ წაიკითხეთ, ბევრი ჩაგახველეთ, გვეგონა ამით ლექსის შინაარსს გავიგებდით, მაგრამ ვერას გავსდით; ამიტომ ვერ ვუძღვებთ მის დასტამებას.

ი. ც-ის: თქვენ ლექსს: „ვის მოსწონთ ეს ჯგერ ქალებს“, მნიშვნელობა არა აქვს, მანამ არ გავიკეთებ ვინ მოსწონთ ასლა ჩვენ გაცნეს; ლექსიც ამიტომ ვერ დაისტამბება.

რედაქტორ-გამომცემელი ან. თ.-წერეთლ. ისა.

ქართული თეატრი.

ჰმირას, 24 ნოემბერს 1896 წ.

ქართული დრამატული საზოგადოების დასის მიერ ავადოების, აღქსიუკ-მესხიშვილის და ყიფიანის მონაწილეობით წარმოდგენილი იქნება:

I

ურიელ - აკოსტა

ტრაგ. 5 მოქ., თარგ. ბაქაძისა.

მონაწილეობას მიიღებენ: ქ. ავადიშვილისა, ივანიძე, გუნდელი და სხვ. ბ. ბ. აღქსიუკ-მესხიშვილი, ყიფიანი, სვიმონიძე, გუდვიანი, მარჯანი, გამყრელიძე, განდელიანი, აღამიძე, კახელი და სხვა.

ადგილების ფასი ჩვეულებრივად დასაწყისი 8 სათიშამ

რეჟისორი. გ. ს. აღქსიუკ-მესხიშვილი.

ადმინისტრატორი გ. შათიანიშვილი.

ექიმი გ. ი. ბაღრიძე


მიიღებს ავადყოფნებს შუადღის 12 საათიდან 3 სათამდე. კირპიჩის ქუჩა სიმონოვის შესახვევში სახლი არაქლოვისა.

კანცერის და გლუხოსის

თბილისი, სსახლის ქუჩა, სარაჯევის სახლი (ეზოში).

ახლანდელი ქაჩხის საწყოში

საქარაპი მანქანები



ნამდვილის

ზინგერ-ნათმანიანი

და სხვა გამოჩენილი სისტემის მანქანები: ოჯახებისათვის და ხელოსნებისათვის. ფასები ქაჩხისა.

(25-2)

ამჟამად საავადმყოფო ავადმყოფობისათვის მკურნალობის მ. თოფუჩიანი. მ. ქუთაისში.

საავადმყოფოში დგას ორმოცი საწოლი ხორბული, გინეკოლოგიურ, შინაგან სენით და თვალებით ავადმყოფთათვის. გადამდები სენით ავადმყოფნი არ მიიღებიან. მოსიარულე ავადმყოფნი მიიღებიან სოფელ დღე 11 საათიდან შუადღის 3 სათამდე.

შინაგან და ნერვებით ავადმყოფებს მიიღებს: ექ. ს. გ. თოფუჩია.

ხორბული, შარდით და ათაშანგით ექ. გ. გუჩუაძე.

დედაკაცურ ავადმყოფთ და საბებიოს ქალი-ექიმო. მ. ფ. კაცანი.

თვალებით ავადმყოფებს - ექიმი ი. კ. კარმაკვი. ამბულატორიასთან არის ქიმიური და ბაქტერიოლოგიური კაბინეტი. იქვე შეიძლება წამლობა ელექტრონული ძალით და მასაჟით.

საავადმყოფოს დირექტორი ს. გ. თოფუჩია.

(10-6)